



Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 1131-10/22 od 13.10.2022. godine po otvorenom postupku (OP: 59/22 – Nabavka hidrauličnih i pneumatskih crijeva s priborom), a u skladu sa članom 70. i 71. Zakona o javnim nabavkama ("Sl. glasnik BiH", broj: 39/14, 47/14), direktor Mr.sci. Sead Imamović, dipl.ing, donio je:

O D L U K U **o dodjeli okvirnog sporazuma**

Član 1.

Na osnovu provedenog otvorenog postupka OP: 59/22 – Nabavka hidrauličnih i pneumatskih crijeva s priborom, u kojem je predviđeno zaključivanje okvirnog sporazuma sa više dobavljača, Ugovorni organ dodjeljuje okvirni sporazum izabranim ponuđačima, kako slijedi:

	Naziv / ime ponuđača	Ukupno bodova
1.	"R-PRODUKT" d.o.o. Visoko	100
2.	Grupa ponuđača: "MIN-TEC" d.o.o. Tuzla i "SIMING" d.o.o. Jesenice	50
3.	"JASMIN M" d.o.o. Žepče	42

Član 2.

Nakon isteka roka za žalbu, sa izabranim ponuđačima iz člana 1. ove Odluke zaključit će se okvirni sporazum u trajanju od jedne godine od dana zaključivanja, kojim će se regulisati međusobna prava i obaveze vezano za predmetnu nabavku, odnosno pojedinačni ugovori za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

Vrijednost Okvirnog sporazuma koji će se zaključiti sa izabranim ponuđačima iz člana 1. ove Odluke iznosi 90.000,00 KM bez PDV-a.

Član 3.

Obavezuju su izabrani ponuđači iz člana 1. ove Odluke da u roku od 5 (pet) dana od dana prijema ove Odluke dostave dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 4.

Za izvršenje ove odluke zadužuje se i ovlašćuje Komercijalna služba RMU "Kakanj" d.o.o. -Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e :

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-9896/22 od 13.09.2022. godine.

Odlukom o pokretanju postupka nabavke roba, Ugovorni organ predvidio je zaključivanje Okvirnog sporazuma sa više ponuđača na period od jedne godine od dana zaključivanja Okvirnog sporazuma.

Procijenjena vrijednost javne nabavke bez PDV je 90.000,00 KM.

Obavijest o nabavci broj: 967-1-1-241-3-223/22 poslata je na objavu 23.09.2022. godine i istog dana objavljena je na Portalu javnih nabavki.

Komisija za javnu nabavku je dana 13.10.2022. godine sačinila Zapisnik o ocjeni ponuda broj: 1129-10/22 od 13.10.2022. godine i Preporuku u postupku nabavke Nabavka hidrauličnih i pneumatskih crijeva s priborom broj: 1131-10/22 od 13.10.2022. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3),
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,
- da su ponude ponuđača "R-PRODUKT" d.o.o. Visoko, Grupe ponuđača: "MIN-TEC" d.o.o. Tuzla i "SIMING" d.o.o. Jesenice i "JASMIN M" d.o.o. Žepče prihvatljive,
- da nije bilo neprihvatljivih ponuda.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog kriterija ekonomski najpovoljnije ponude.

Iz navedenih razloga, primjenom člana 64. stava (1) tačka a) ekonomski najpovoljnija ponuda Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Rukovodilac Sektora RFK poslova

Dženan Ajdinović, dipl.ecc.



Prokurista

Fahrudin Tanović, dipl.ing.maš.

Direktor

mr.sci. Sead Imamović, dipl.ing.

Dostavljeno:

1 x Direktor

1 x Učesnici u postupku javne nabavke

1 x a/a